

شبسترین اهل بیت (ع) شاعیرلر انجومنی تشکیل تاپدی

شبسترین ایسلامی تبلیغات ایداره‌سی و مداحلار کانونون هیمتی‌اینن اهل بیت (ع) شاعیرلر انجومنی اصلی و علی‌البدل اعضاسی‌نین سئچیلمه‌سی‌اینن تشکیل تاپدی.

شرقی آذربایجانین ایسلامی تبلیغات ایداره‌سی عمومی رابط‌ه‌لری‌نین وئردیغی خبره گؤره، بو ایداره‌نین دینی تشکیلاتلارا یتیشدن قیسمتی طرفیندن بو شهرستانین مذهبی شاعیرلری تانییب بیر جلسه‌ده شبستر شهرستانین اهل بیت (ع) شاعیرلری انجومنی‌نین اینتیخاباتی برگوزار اولدو. بو جلسه‌ده شبسترین ایمام جومعه‌سی حجت الاسلام محمدزاده، مذهبی شاعیرلرین انجومنی‌نین تشکیل تاپما هدف‌لرینه ایشاره ائدیپ دئدی: ناب محمدی (ع) ایسلام و اهل بیتین (ع) فضایلین ترویجی و قیاقکی شاعیرلرین شعرلریندن ایستیفاده ائله‌ماق اوچون اهل بیت (ع) شاعیرلر انجومنی تشکیل تاپیر. او بونا ایشاره ائله‌ماغینان کی بو تشکیلات ایسلامی تبلیغات سازمانینا باغلی‌دیر و اؤز خط مشیینی بو نهادین قایدا-قانونلارینن تعیین ائلیه‌حاق، دئدی: مذهبی شاعیرلرین اصلی ریسالتی اهل بیت (ع) معاریفین و حسینین نهضتین ترویجیدیر. او بونو دئماغینان کی شعر هونری‌نین ارزشلی خصوصیتلری وار، آرتیردی: شعرین موهوم خصوصیتلریندن بیرک ایسلامی معاریفی سورعتلی اینتیقال وئرماقدیر کی نجه کیتاب و صؤحیت جلسه‌سی‌نین ایشینی بیر شعرین گؤرور. بو جلسه‌ده اینتیخاباتدان سونرا آغالار محمد حسین مقدسی، خلیل ملا تقی زاده، قربان بیرامی سیس، هاشم نظامی و ابراهیم غفاری اصلی اعضا و آغالار علی شکورزاده و مهدی فرشته شندی علی‌البدل اعضا عنوانیندا سئچیلدیلر.